

ত্রিপুরা সরকার  
তথ্য ও সংস্কৃতি অধিকার

\*\*\*\*\*

স-৫০৯৫

তেলিয়ামুড়া, ৬ মার্চ, ২০২৪

**হাতাইকতর ইকোপার্কে হনবিল উৎসবের উদ্বোধন**

জৈব বৈচিত্র্য পরিবেশের ভারসাম্য রক্ষায়  
গুরুত্বপূর্ণ ভূমিকা নেয় : জনজাতি কল্যাণমন্ত্রী

জৈব বৈচিত্র্য পরিবেশের ভারসাম্য রক্ষায় গুরুত্বপূর্ণ ভূমিকা নেয়। জৈব বৈচিত্র্য রক্ষায় বন ও বন্যপ্রাণীর গুরুত্ব রয়েছে। আজ হাতাইকতর ইকোপার্কে হনবিল উৎসবের উদ্বোধন করে জনজাতি কল্যাণমন্ত্রী বিকাশ দেববর্মা একথা বলেন। অনুষ্ঠানে জনজাতি কল্যাণমন্ত্রী বলেন, আত্মিন্দির ত্রিপুরা গড়ে তুলতে রাজ্য সরকার বনভিত্তিক উন্নয়ন প্রকল্প রূপায়ণে অগ্রাধিকার দিয়েছে। বনভূমি এলাকায় বসবাসকারী জনজাতি সম্প্রদায়ের পাট্টাপ্রাপকদের জীবনযাত্রার মানোন্নয়নে সরকার বিভিন্ন পরিকল্পনা নিয়ে কাজ করছে। তিনি বলেন, হনবিল উৎসবকে কেন্দ্র করে আগামীদিনে খোয়াই জেলা আকর্ষণীয় পর্যটন কেন্দ্র হিসেবে গড়ে উঠবে। উদ্বোধনী অনুষ্ঠানে অন্যান্যদের মধ্যে বক্তব্য রাখেন খোয়াই জিলা পরিষদের সভাধিপতি জয়দেব দেববর্মা। উপস্থিত ছিলেন খোয়াই জিলা পরিষদের সদস্য রঞ্জিত সরকার, খোয়াই পঞ্চায়েত সমিতির চেয়ারম্যান টিংকু ভট্টাচার্য, খোয়াই জেলা বায়োডাইভার্সিটি ম্যানেজমেন্ট কমিটির সদস্য সাবিত্রী দেব দাস, বন দপ্তরের প্রধান সচিব ড. অবিনাশ কানফাড়ে, প্রধান বন সংরক্ষক এ কে শশীকুমার, জেলা পুলিশ সুপার রমেশ চন্দ্র যাদব প্রমুখ। উদ্বোধনী অনুষ্ঠানে স্বাগত বক্তব্য রাখেন খোয়াই জেলা বন আধিকারিক অক্ষয় বালু ভোর্দে। হনবিল উৎসব উপলক্ষে অনুষ্ঠিত হয় মনোজ সাংস্কৃতিক অনুষ্ঠান। তাছাড়া স্থানীয় ১০টি স্বসহায়ক দলের উৎপাদিত পণ্য সামগ্রী নিয়ে এক প্রদর্শনীর আয়োজন করা হয়। অনুষ্ঠানে তেলিয়ামুড়া মহকুমার ৩২টি স্বসহায়ক দলকে ১ লক্ষ টাকা করে ঋণের চেক দেওয়া হয়।

\*\*\*\*\*